

Academia nostra efflorescit. Pfinzingo (d) & Gerbelio (e) jam prospectum est si mensam spectes domi meæ, si musæum domi matris meæ. Doctor Fridericus Puhenerus rediit. Utinam nobis quod pollicitus est præstet. Deus vos omnes seruet. Dabantur Basileæ. 16. Maji 1586.

P. S. Doctor Adamus Henricopetrus (f) obiit, calculo & febre cum perpetua Syncope aliisque morbis confectus.

EPISTOLA XLV.

Salve Vir clarissime & nobilis. Muffelius tertiana tentatus, ultra quartum paroxysmum non male habet. Debet id secundum Deum Doct. Bauchino (a) qui principiis obstitit.

(d) Epistola LX. Martinus vocatur.

(e) forsitan fuit filius aut affinis Nicolai Gerbelii celeberrimi Jcti, qui 1521. Hagenoæ in ædibus Thomæ Anselmi N. T. Græcum edidit in 4.

(f) De hoc ipse Grynæus in Epistolis a Sculteto editis p. 164. hoc elogium scripsit: *Fecit Respublica jacturam non vulgarem, mortuo Archigrammateo, D. A. Henricopetri, qui ob scientiam Juris & linguarum Latinæ, Gallicæ, & Italicæ, & ob industriam in rebus magnis peragendis patria bene morata magno usui esse poterat &c.*

(a) Johanni, alias Bauhinus scribitur. Erat Medicus Basileënsis valde clarus, uti etiam ex Epistola 53. patet. Collegam habuit Job. Jac. Weckerum qui mutuum auxilium sibi invicem præstiterunt.